

Elections Canada - Voter Information Guide

Kekonen keki-oci-aashi-tepii-hikeyaapaan?

Amii-owe eshi-pakitinikoowisiyak kaa-tepaketaakosiyak miina kitaashi-tepi-ikemin eonetamak awenen ke-niikaaniitamaakooyak ci-onatooc onashoowewinan miina ekii-ishi-nakomoyak ci-wii-citaashikemitiiyak.

Kekonen mayaam enwaatek aashi-tepii-hikewin?

Apii kaa-ocicisek ci-aashi-tepii-ikaaniwak, **kitaashi-tepiiwaamin kaakii-onakimic kepimipatooc** ihimaa kaa-oci-tipetaakwak ki-tashiikewinik. Ekwa ahawe maawac mishiin awiyaan kaa-kiashitepi-okoc amiihawe kepakinaakec. Amii tash ihimaa ke-ishi-takwiic **kaanata okimaawikamikok ahnokiinaakan.**

Ikitowinan kekiikiketamaapaan

Otashi-tepiihike kaa-inaakaniwic kiishpin ohomaa Canada kaa-otakaanestic miina 18 kata-soo-akiwinec ahpii aashi-tepii-hikewi kiishikak.

Ka-piminishahikewat amii-wakiki kakakwe tepinamowac ci-otaapinitwa okimawinikewinik.

Otashi-tepiihikek kaa-ishi-niipitepii-ikaasowac amii-ikii ka-inetakosiwac ci-aashi-tepiihikewac.

Ni-kii-otisikon **otaashi-tepii-ike masinahikan** ihimaa masinahikanaan kaa-oci-takosekin. Miitash ihimaa eoci-kiketamaan keniin emasinaahikasoyaan otashi-tepiihikek ka-ishi-masinahikaasowac kaye niwitamaakon anahpii miina antii ketashi-aashi-tepi-hikaniwak.

Aashi-tepi-ike-wikamik amiihimaa ke-tashi-aashi-tepii-hikeyaan.

Kakanawentak aashi-tepii-hikewinan nika-miinik aashi-tepii-hike pepan. Amii kaye eshicket eoci-wiicihaat otaashi-tepii-hiken aanti ke-ishi-aashi-tepii-hamowac.

Kakanawentak otaashi-tepii-hikek ka-ishi-masinahikasowac ocashakopiihaan niwiisowin ahpii aashi-tepii-hikeyan.

Aashi-tepii-hike pepanok masinahikasowak ka-piminishahikewat ihimaa kaa-oci-tipetaakwak ni-tashiikewinik.

Ohoma Canada ahkik **kaawin cikiketakocikatek** awenenan kakii-aashi-tepihwac.

Katashi-aashi-tepi-hikaniwak amiihima ke-ishayaan ka-ishi-aakawekinikaatek ci-atwiaashi-tepii-hikeyaan. Ahpii ishkwa-totamaan, ni-kamiinaa kakanawentak aashi-tepiihikewinan ekwa ahpin okiishkipitoon miina kaawin cipaakinak eka cikikentakwak niin ihiwe. Ekwa ahpin nipiinahaan piinahikanik.

Aashi-tepii-hikewin - Niin ni-ka-onentaan

Ahpii ocicisek ci-aashi-tepii-hikaniwak, nikaotisikon **otaashi-tepii-hike masinahikan** ihimaa masinahikanaan kaa-oci-takosekin. Amiihima eoci-kiketamaan keniin emasinaahikasoyaan **otashi-tepiihikek ka-ishi-masinahikaasowac**.

Mitoni kihci-inentaawan ohowe masinahikan.

Niwitamaakon anahpii miina antii ketashi-aashi-tepi-hikaniwak.

Kiishpin eka otisikoyaan masinahikan, amii ketotamaan **ci-ishikitoyaan Aashi-tepii-ikewin Canada** ci-nanaatawikikentamaan ahniin ketotamaan ci-ashitasinaikaasoyaan keniin ci-aashi-tepii-hikeyaan.

Ni-ka-ocikikentaan **awenenak ka-pimipa-itiwaac** ihimaa ci-inaapiyaan Aashi-tepii-hikewin Canada pii-waapikok www.elections.ca mekwaac kaa-pimi aashi-tepi-hikaaniwak. Ihimaa kaye ni-kaa-ocikikentaan awenenak miina onahshowewin ci-natotamaan natohtamowin, cikanawaapatamaan masinaatehsicikan, ci-ayamihtooyaan tipaacimoo-pepan miina ci-ayamihakwa nitootemak miina nitinawemaakanak. Niin nika-onenimaa ke-aashi-tepi-wak **keniikaa-niitamawihshic**.

Ahniin ketotamaan wii-aashi-tepi-hikeyaan?

Nihswayek tocikate ka-aashi-tepi-hikaniwak.

Kiyaam ni-ka-aashi-tepi-hike kiihshaac ka-aashi-tepi-hikaniwak.

Kiihshac aashi-tepi-hikewin inwate kiishpin eka kii-ishayan naanta eka ewii-ishayan mekwaac aashi-tepi-hikewikiishikak.

Kahkina awiyak takii aashi-tepi-hikewak iiwe api.

Ihima nikaocikikentaan anti miina apii kiihshac aashi-tepi-hikewin kakii piicinishahamaakoyaan wiitamaakewin naanta ci-ihshikitoyaan Aashi-tepii-ikewin Canada kaamasinahikaatek akitaason imaa pepanok.

Kiyaam ni-ka-aashi-tepi-hike kaamacinihshikaatek.

Amii ohowe miina eshicikaniwak ci-maacinihsha-ahman masinahikanaan ka-oci-pimiwitekin naanta ci-ihshaayaan kaatananokiic **kakanawentak aashi-tepii-hikewinan.**

Amii ketotamaan ci-ishikitoyaan Aashi-tepii-ikewin Canada ci-nanaatawikikentamaan.

Kiyaam nika-ihshaa mekwaac aashi-tepi-hikewikiishikak kaa-tashi-ihshicikaaniwak.

Mekwaac aashi-tepi-hikewikiishikak nika-ishaa kaa-tashi aashi-tepi-hikaaniwak.

Aniin api miina tipahikaneyak miina aanti ke-tashi-ashitepi-hikanikwak masinahikatewan kakii-piicinishahamaakoyaan pepan.

Ekwa **ihima ka-tashi-aashi-tepi-hikaniwak**, nikaa-nanatonaan ahcikanaantik ci-masinahikaatek akintaason ka-inasinahiket pepan kakii-otistikoyaan.

Niishin aashi-tepi-hikewinan kaa-ahnokaatamoowac ta-ayaawak ahcikanaahtikok: **kakanawentak aashi-tepii-hikewinan** miina **kakanawentak otaashi-tepii-hikek ka-ishimasinahikasowac.**

Nimiinaa **ni-wiisowin miina aanti ka-ishi-kapeshiyaan** ahawe kakanawentak aashi-tepiihikewinan. Mishiin aasha awiyak mahsinahikaasowak otaashi-tepi-hikek.

Kiishpin eka mahsi-nahikaasoyaan, kiiyahpac takii-is-se **ci-ashitasinahokoyaan mekwaac aashi-tepi-hikewikiishikak.** Ni-kah-wiicihik kakanawentak aashi-tepii-hikewinan ci-masinahoshic miina ci-wahpatahak ni-kikinawaacipihokowin miina aanti ka-ishi-kapeshiyaan. Ahmi kaye ke-ishicikayaan ci-ahpacitoyaan masinahikan **ewiitahmaan aweneniwiyaan miina ka-ishi-kapeshiyaan** miina kotak otaashi-tepi-hike ahsha kakiimasinahikaasoc ci-oci-wiicihishic.

Kakanawentak otaashi-tepii-hikek ka-ishi-masinahikasowac **ocashakopiihaan niwiisowin** cinaakwak ekii aashi-tepii-hikeyan.

Kakanawentak aashi-tepii-hikewinan nika-miinik aashi-tepii-hike pepan.

Amii kaye eshicket **ci-wiicihishic** kiishpin eka kikentaamaan ketotamaan.

Nikaa-piiciwinaa nitootem naanta niwaakomaakan ci-wiicihishic.

Aahkawiyahii katashi-aashi-tepi-hikaniwak nika-ishaa. Kaawin awiya nikawaapamikosiin aawenen ka-aashi-tepi-hwak.

Nika-kikinawaacipihikaken x ka-ishi wawiiyepihikahtek ka-ishimasinahikasowaac kawii-aashi-tepi-wak.

Nika-piskiikinaan ihiwe pepan eka cinakwak kaki-aashi-tepi-wak.

Nika-ishiwitooon nitaashi-tepi-hikan cimiinak kakanawentak aashi-tepii-hikewinan ekwa apin **okiishkipitooon kaa-oci-aanikoosik.**

Kakanawentak aashi-tepii-hikewinan nikiiwemiinik kaa-kii-aashi-tepi-hamaan.

Ekwa ahpin nipiinahaan nitaashi-tepi-hikan piinahikanik.

Kiishpin kii-yaa-pic wii-ki-ketaaman: www.elections.ca
1 800 463-6868 eka katipahikatek